



# 卷二十八

冕服  
衮冕

冕服

十二章之服

大裘而冕

書曰天命有德五服五章哉又曰予欲觀古人之象日

月星辰山龍華蟲作會宗彝藻火粉米黼黻絺繡以五

采彰施于五色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

典命上公兩已相背命其衣服以九為節侯伯七命其衣服以七

為節子男五命其衣服以五為節王之三公八命其卿

命及其出封皆加一等其衣服亦如之

命其大夫再

命其孤四命其衣服如之

命其士一命其衣服各祗其命之數侯伯之卿大夫士

書名 禮書一百五十卷 宋刊元修

撰者 宋 陳祥道 撰  
卷二 八  
內容分類 經 禮 三禮總義 宋  
系書號 貴重 8  
編號 A259500

東洋文化研究所漢籍目錄 編號: A259500

東洋文化研究所漢籍目錄所藏漢籍善本文影像資料庫 系書號: 貴重 8

漢籍善本文影像資料庫 文本 禮書一百五十卷 宋刊元修本

版權所有: 東京大學 東洋文化研究所  
使用上的注意事項

三九七



故有賞田以賞田又不足以稱之故有加田賞田二十  
而三則有國正矣加田無國止則正於鄉者容有之也  
何則王制論秀士升於司徒者不征於鄉升於學者不  
征於司徒則秀士升於司徒者無鄉征周官諸子國有  
大事則帥國子而致於太子司馬弗正凡國征不及則  
國子正於太子者無國正又均人言力政有公甸用之  
法則役於鄉者非公用之也以此推之凡有田里者止  
於鄉也又正於國加田無國正則正於鄉而已此所以  
優功也

禮書卷第二十七

禮書卷第二十八

夏貢


商助

周徹

五溝

五涂

夏貢 五十一









詩曰徹田為糧又曰徹申伯土疆有若謂魯哀公曰盡  
徹乎曰二吾猶不足王制曰古者公田藉而不稅左傳  
曰穀不過藉以豐財也穀梁曰古者什一藉而不稅公  
羊曰古者什一而藉多乎什一六桀小桀寡乎什一大  
貉小貉孟子曰夏后氏五十而貢商人七十而助周人百  
晦而徹其實皆什一也徹者徹也助者藉也龍子曰治  
地莫善於助莫不善於貢詩曰雨我公田遂及我私惟  
助為有公田由此觀之雖周亦助也又曰請野九一而  
助國中什一使自賦校數歲之中以為常者夏后氏之  
貢也借民力以治公田者商人之助也兼貢助而通行  
之者周人之徹也

周官載師園廬二十而一近郊十一遠郊二十四三  
甸稍縣都皆無過十閭師任農以耕軍貢九穀司

稼巡野觀稼以年之上下出斂法此周之貢法也詩

曰雨我公田遂及我私旅師有勦粟許慎釋勦為助

孟子曰九一而助穀梁曰什一藉而不稅此周之助

法藉而不稅則同乎商王制言古者公田藉而其實

法以年上下則異乎夏然夏之民耕五十晦而以五

晦貢商之民耕七十晦而以七晦助皆什內之一周

之民耕百晦以公田十畝徹什外之一孟子言其實

皆什一者以其法雖少異而其實不離什一也孟子

曰請野九一而助國中什一使自賦九一自地言之

也什一自物言之也鄭氏釋匠人謂通其率以什一

為正孔穎達之徒申之謂助則九而貢一貢則什一


而貢一通率為什一是助之所取者重貢之所取者

輕非孟子之意也夏商周之授田其畝數不同何也



禹貢於九州之地或言土或言作或言義蓋禹平水  
土之後有土焉而未作有作焉而未義則於是時人  
功未足以盡地力故家五十畝而已公歷商周則田  
浸闢而法備矣故商七十而助周百畝而徹詩曰信  
彼南山維禹甸之昫昫原隰曾孫田之我疆我理商  
東其畝則法略於夏備於周可知劉氏皇氏謂夏之  
民多家五十畝而貢商之民稀家七十畝而助周  
之民尤稀家百畝而徹熊氏謂夏時寬簡一夫之地  
稅五十畝商政稍急一夫之地稅七十畝周政極煩  
一夫之地盡稅焉而所稅皆什一賈公彥謂夏五十  
而貢據一易之地家二百畝而稅百畝也商七十而  
助據六遂上地百畝萊五十畝而稅七十五畝也周  
百畝而徹據不易之地百畝全稅之如四子之言則  
古之民常多而後世之民愈少古之稅常輕而後世  
之稅愈重古之地皆一易而後世之地皆不易其粟  
然哉

五溝





書曰濬畎澮距川語曰禹尽力乎溝洫遂人夫間有遂  
十夫有溝百夫有洫千夫有澮万夫有川匠人廣尺深  
尺謂之畎田首倍之廣二尺深二尺謂之遂九夫為井  
井間廣四尺深四尺謂之溝方十里為成成間廣八尺  
深八尺謂之洫方百里為同同間廣二尋深一仞謂之  
澮專達於川凡溝逆地防謂之不行水屬不理孫謂之  
不行稍溝三十里而廣倍凡行奠水磬折以參伍凡為  
溝必因水勢防必因地勢善溝者水漱之善防者水淫  
之凡溝防必一日先深之以為式里為式然後可以傳  
衆力雍氏掌溝瀆澮池之禁凡害於國稼者春令為阱  
獲溝瀆之利於民者稻人掌稼下地以豬畜水以防止  
水以善澮水以豕均水以列舍水以澮為水並制國吏  
百里者為田九十億畝少陵林麓川澤溝瀆城郭宮室



卷三分去一其餘六十億畝月令季春命有司順利

隄防導達溝瀆孟秋完隄防謹壅塞以備水潦八月節

郊特牲曰祭坊與水庸事也荀卿曰脩隄防通溝澮行

水潦安水藏以時決塞歲雖凶旱使農夫有所耘文司

空之事也班固曰后稷始畎田以二耜為耨廣尺深尺

長終晦一晦三畎一夫三百畎而推種於畎中九君子

曰畎欲深以帶畝欲沃以平

遂人言五溝之制而始於遂匠人言五溝之制而始

於畎則畎非溝也乃播種之地而已一畝三畎一夫

三百畎則從則遂橫畎橫則遂從遂從則溝橫遂橫

則溝從由溝以達洫由洫以達澮其橫從如之春秋

傳稱晉人使齊之封內東其畝國佐對曰先王疆  
理天下物土之宜而布其利故詩云我疆我理南東



其畝今吾子疆理諸侯而曰及東其畝而已惟吾子  
戎車是利無顧土宜其無乃非先王之命者乎蓋天  
下之地勢西北高而東南下故古者或東其畝或南  
其畝畝之所嚮溝涂隨之則南東其畝者亦其大致  
如此而已不必及然鄭氏曰以南畝圖之遂從溝橫  
洫從澮橫九澮而川周其外然川之所流當適地洫  
非於方夫之外必有大川圍而匝焉穎達疏詩謂鄭  
氏所言特設法耳其說是也溝洫之於田野可決而  
決則無水溢之害可塞而塞則無旱乾之患苟鄉口  
脩隄防通溝洫行水潦安水藏以時決塞則溝洫豈  
特通水而已哉縮人掌稼下地以儲畜水以防止水  
以溝蕩水以遂均水此文下地之制與遂人匠人之  
法異也考工記所謂水屬者屬溝洫也所謂稍溝者  
溝末也自溝不言之謂之稍溝自田端言之謂之田  
首溝遠而不倍不足以容水水行而不磬折不足以  
殺其勢觀易坎為弓輪而河亦百里一曲千里一曲  
一直則溝洫之制磬折可知矣先王之時通九川陂  
九澤溝洫絡脉布於天下則無適而非水利也及井  
田廢而阡陌作於是史起引漳以富河內鄭國鑿渠以  
注關中李冰壅江以灌蜀地番係引汾以溉蒲阪以  
至白公之於渭邵信臣之於南陽馬臻之於鏡湖張  
闡之於新豐埽劉義欣之於芍陂鉗盧李襲稱之於  
雷陂史臣書之以為異績此特名生於不足耳

五涂





遂人夫間有遂遂上有徑十夫有溝溝上有畛百夫  
有洫洫上有涂千夫有澮澮上有道万夫有川川上  
有路鄭氏曰徑容牛馬畛容大車涂容乘車一軌道  
容二軌路容三軌其說蓋以匠人之制推之也匠人  
王城經涂九軌環涂七軌野涂五軌環涂以爲諸侯  
經涂野涂以爲躡涂由是差之諸侯環涂五軌野涂  
三軌都之環涂野涂皆三軌則遂人路容三軌道容  
二軌以至徑容牛馬埋或然也匠人曰凡溝必因水  
勢防必因地勢善溝者水漱之善防者水淫之凡爲  
防廣與崇方其殺三分去一大防外殺蓋溝成則涂  
立涂立則防立遂溝洫澮川雖不同皆謂之涂司險  
曰五溝是也徑畛涂道路雖不同皆謂之涂司險曰  
五涂是也然涂不特如此而已亦謂之涂記曰旅櫛  
是也亦謂之行詩曰微行是也爾雅曰宮中街謂之  
壺廟中路謂之唐堂途謂之陳一達謂之道路二達  
謂之岐旁三達謂之劇旁四達謂之衢五達謂之康  
六達謂之莊七達謂之劇駮八達謂之崇期九達謂  
之達蓋涂莫小於徑莫大於路莫枝於達書言無有  
作好導王之道無有作惡導王之路以作好之利小  
作惡之害大故也兔置之詩言在彼中達在彼中林  
以中達之德顯中林之德晦故也量入掌天下之涂  
數皆書嘉藏之國語司空視涂蓋藏其數欲知所達之  
遠近視之欲察其涂之修否


所圖書



書卷第二十八終







不 許 複 製

NOT TO BE REPRODUCED

東京大学東洋文化研究所